



Bosna i Hercegovina
Federacija Bosne i Hercegovine
UNSKO - SANSKI KANTON
JU DIREKCIJA REGIONALNIH CESTA USK BIHAĆ

Broj: 01-27-283-3/ /20
Datum: 02.07.2020. godine

Na osnovu člana 69., stav (2), tačka e), člana 70., Zakona o javnim nabavkama ("Sl. glasnik BiH", broj: 39/14), a u vezi sa Rješenjem Ureda za razmatranje žalbi BiH, Podružnica Mostar broj: JN2-03-07-1-1013-8/20 od 04.06.2020. godine, te na osnovu Zapisnika o pregledu i ocjeni ponuda broj: 01-27-283-28/20 od 10.06.2020. godine, Zahtjeva za poništenje e-aukcije broj:01-27-283-29/20 od 12.06.2020. godine, direktor JU Direkcija regionalnih cesta USK Bihać je donio

ODLUKU
o poništenju postupka javne nabavke za postupak javne nabavke radova
"Saobraćajna signalizacija i oprema"

Član 1.

Poništava se otvoreni postupak javne nabavke radova "Saobraćajna signalizacija i oprema" (broj obavještenja: 213-1-3-16-3-15/20).

Član 2.

Odluka se ima odmah, a najkasnije u roku od 7 dana dostaviti svim ponuđačima koji su učestvovali u postupku, te se istovremeno sa dostavljanjem ove Odluke ista ima objaviti na internetskoj stranici www.cesteusk.com.

Član 3.

Ova Odluka stupa na snagu danom donošenja.

OBRAZLOŽENJE

Postupak javne nabavke radova "Saobraćajna signalizacija i oprema" pokrenut je Odlukom o pokretanju postupka nabavke radova broj: 01-27-283-2/20 od 25.02.2020.godine

Komisija za provođenje ovog postupka, imenovana Rješenjem broj: 01-27-283-3/20 od 25.02.2020.godine pristupila je provođenju postupka javne nabavke, odnosno pregledu i ocjeni pristiglih ponuda. Javna nabavka je provedena putem otvorenog postupka.

Javna nabavka je objavljena na portalu javnih nabavki E-nabavke brojem obavještenja: 213-1-3-16-3-15/20

Krajnji rok dostavljanja ponuda određen je za dan 26.03.2020 u 12:00 sati
Dan otvaranja ponuda određen je za dan 26.03.2020.godine u 12:30 sati.

Do datuma određenog kao krajnji rok za prijem ponuda pristigle su slijedeće ponude:

R/b	Broj protokola	Naziv / Ime ponuđača (šifra)	Ukupna cijena ponude bez pdv-a
1.	01-27-283-6/20	Buljan Ceste d.o.o. Kreševo	581.883,72 KM
2.	01-27-283-7/20	Mrkonjićputevi d.o.o Mrkonjić Grad	545.644,45 KM
3.	01-27-283-8/20	Sacom d.o.o. Ilijaš	454.112,52 KM

Nakon pregleda i ocjene ponuda, Komisija je zauzela sljedeći stav:

Ponuda ponuđača Mrkonjićputevi d.o.o. Mrkonjić Grad i ponuda ponuđača Sacom d.o.o. Ilijaš su prihvatljive prema obliku, sadržaju, potpunosti, te ispunjavaju zahtjeve i uslove utvrđene tenderskom dokumentacijom.

Ponuda Ponuđača Buljan Ceste d.o.o. Kreševo ne ispunjava uslove utvrđene tačkom 14.6 pod d. TD. Naime ponudač nije dostavio dokaz o radnom stažu za voditelja radova. Također podatak o radnom stažu nedostaje i u obrazcu za obrazovne i profesionalne kvalifikacije lica odgovornih za izvođenje radova (Aneks 11). Shodno prethodno navedenom komisija je ponudu ponuđača Buljan ceste d.o.o. ocjenila kao neprihvatljivu, te se ista odbacuje sukladno odredbi člana 68.tačka h ZJN

Kriterij za izbor ponude je najniža cijena tehnički zadovoljavajuće ponude. S obzirom da se postupak dodjele ugovora provodi putem e-aukcije, Komisija je prihvatila kao prihvatljive ponudu ponuđača Mrkonjićputevi d.o.o. Mrkonjić grad i ponudu ponuđača Sacom d.o.o. Ilijaš, te je u skladu sa Pravilnikom o uslovima i načinu korištenja e-aukcije (Sl.glasnik BiH broj: 66/16) zakazala e aukciju za dan 08.04.2020.godine. Nakon održane e-aukcije, Komisija je shodno Izvještaju sa E portala, o provedenoj i završenoj E-aukciji rangirala ponuđače prema kriteriju najniža cijena kako slijedi:

1. Mrkonjićputevi d.o.o. Mrkonjić grad iznos ponude 385.000,00 KM bez PDV-a

2.Sacom d.o.o. Ilijaš, iznos ponude 386.545,00 KM bez PDV-a

Nakon provedenog postupka, i s obzirom na to da je ponuda Mrkonjićputevi d.o.o. Mrkonjić Grad ocijenjena kao najpovoljnija, iz razloga što je ponudač ponudio najnižu cijenu tehničke zadovoljavajuće ponude, a koja je u okviru procijenjene vrijednosti nabavke ugovornog organa, Komisija je dala slijedeću preporuku Ugovornom Organu:

Da donese odluku o izboru najpovoljnijeg ponuđača u skladu sa kriterijem najniža cijena tehnički zadovoljavajuće ponude, i za najpovoljnijeg proglasi :

**Mrkonjićputevi d.o.o. Mrkonjić Grad “ sa cijenom od 385.000,00 KM (bez PDV-a)
odnosno 450.450,00 sa PDV-om**

Slijedom navedenog Ugovorni organ je donio Odluku o izboru najpovoljnijeg ponuđača za javnu nabavku radova "Saobraćajna signalizacija i oprema" broj:01-27-283-15/20 od 10.04.200. godine koja je objavljena na web stranici Ugovornog organa, te istovremeno, u skladu sa članovima 70., i 71., ZJN, te zajedno za Zapisnikom o pregledu i ocjeni ponuda broj:01-27-283-14/20 od 09.04.2020. godine, dostavljena svim ponuđačima koji su učestvovali u ovom postupku nabavke.

Na osnovu donesene Odluke o izboru najpovoljnijeg ponuđača, u zakonom propisanom roku, ponudač "Sacom" d.o.o. Ilijaš, zastupan po punomoćniku Sanelu Neziriću, odvjetniku iz Sarajeva je izjavio žalbu bez broja od 24.04.2020. godine (broj Ugovornog organa 01-27-283-21/20 od 27.04.2020. godine), na Odluku o izboru najpovoljnijeg ponuđača broj:01-27-283-15/20 od 10.04.2020. godine, a radi pogrešne primjene Zakona o javnim nabavkama.

U skladu sa članom 100., stav (5), ZJN Ugovorni organ je utvrdio da je žalba blagovremena, dopuštena i izjavljena od strane ovlaštenog lica te je istu dostavio Uredu za razmatranje žalbe na postupanje. Rješenjem Ureda za razmatranje žalbi BiH, podružnica Mostar, broj: JN2-03-07-1-1013-8/20 od 04.06.2020. godine, žalba se usvojila, te se poništila Odluka o izboru najpovoljnijeg ponuđača broj:01-27-283-15/20 od 10.04.2020. godine i predmet se vratio Ugovornom tijelu na ponovno postupanje. Komisija je Zapisnikom o pregledu i ocjeni ponuda broj:01-27-283-28/20 od 10.06.2020. godine rangirala sada jedinu prihvatljivu ponudu prema kriteriju za izbor ponude od ponuđača Sacom d.o.o. Ilijaš, a koja iznosi 454.112,52 KM bez PDV-a.

S obzirom da se radi o jednoj prihvatljivoj ponudi, a koja je veća od planske vrijednosti Ugovornog organa (planska vrijednost 424.862,39 KM bez PDV-a), u skladu sa odredbama člana 3., stav (3) Pravilnika o uvjetima i načinu korištenja e-aukcije (Sl. glasnik BiH, br. 66/16), e-aukcije se ne zakazuje, te je Komisija jednoglasno dala prijedlog direktoru JU Direkcija regionalnih cesta USK Bihać da se temeljem odredbi člana 69., stav (2), tačka e) ZJN BiH, donese odluka o poništenju postupka javne nabavke radova "Saobraćajna signalizacija i oprema".

Ugovorni organ je u smislu člana 7., stav (5) i stav (6) Pravilnika o uvjetima i načinu korištenja e-aukcije, obratio se Agenciji za javne nabavke Bosne i Hercegovine Zahtjevom za poništenje e-aukcije broj:01-27-283-29/20 od 12.06.2020. godine uz naznaku da se neće zakazivati nova e-aukcija, jer je u postupku ostala samo jedna prihvatljiva ponuda, a sve kako bi mogao okončati postupak javne nabavke u skladu sa ZJN BiH.

S obzirom na prethodno navedeno, Ugovorni organ je odlučio kao u ovoj Odluci.

Pouka o pravnom lijeku:

Ponudač koji je učestvovao u postupku javne nabavke može izjaviti žalbu Uredu za razmatranje žalbi putem ugovornog organa, u roku od 10 (deset) dana od dana prijema ove Odluke.

Obradivač akta

Pomoćnik direktora



DIREKTOR

Amir Osmančević, dr sc. oec

Dostavljeno:

- Buljan ceste d.o.o. Kreševo, Troska bb, 71260 Kreševo
- Mrkonjićputevi d.o.o. Mrkonjić Grad, podbrdo bb, Mrkonjić Grad
- Sacom d.o.o. Ilijaš, Luka bb, 71380 Ilijaš
- Web stranica www.cesteusk.com
- a/a